

# VEDTEKTER FOR GRENDAHUSET LJOSHEIM

## § 1 Foreininga sitt namn

Namnet er Grendahuset Ljosheim. Grendahuset Ljosheim har forretningskontor i Vaksdal kommune.

## § 2 Føremål

Grendahuset Ljosheim er eit frivillig lag skal arbeida for å sikra drift og vedlikehald av Ljosheim, til beste for innbyggjarane i bygda. Ljosheim er sams bygdeeiga til sams bruk for ibuarane i Eksingedalen. Alle i bygda har lik rett til å bruka huset mot å betale fastsett leige.

## § 3 Juridisk person

Foreininga er sjølveigande og ein frittstående juridisk person med upersonleg og avgrensa ansvar for gjeld.

## § 4 Medlemar

Medlemar i foreininga er alle personar over 16 år med bustadsadresse i Eksingedalen.

## § 5 Røysterett

Alle medlemar har røysterett på årsmøtet med èi røyst pr person. Alle medlemar i foreininga er valgbare til tillitsverv i foreininga.

## § 6 Godtgjering av tillitsvalde

Tillitsvalde skal ikkje motta honorar for verva sine.

## § 7 Årsmøte

Årsmøtet, som seinast skal haldast kvart år i april månad, er foreininga sitt høgste mynde.

Årsmøtet skal innkallast av styret med minst 1 månads varsel, direkte til medlemmane og/eller ved kunngjering i pressa og/eller flygeblad til kvar husstand i Eksingedalen. Framlegg som skal behandlast på årsmøtet skal være sendt til styret seinast 2 veker før årsmøtet. Fullstendig sakliste skal vera tilgjengeleg minst ei veke før årsmøtet.

Alle medlemar i foreininga har møterett på årsmøtet. Årsmøtet kan be inn andre personer og/eller media til å vera til stades. Årsmøtet er vedtaksført med det tal medlemar med røysterett som møter. Ingen har mer enn èi røyst. Det kan ikkje røystast ved fullmakt.

Årsmøtet kan berre behandla framlegg til vedtektsendring som er oppført på saklista seinast 1 veke før årsmøtet. Andre saker kan behandlast og avgjerast når 2/3 av dei frammøtte krev det. Slik avgjerd kan bare takast i samband med godkjenning av saklista.

## § 8 Leiing av årsmøtet

Årsmøtet vert leia av vald møteleiar.

## § 9 Røysting på årsmøtet

Med mindre anna er fastsett skal eit vedtak for å være gyldig vera gjort med ordinært fleirtall av røystene. Blanke stemmer skal ikkje reknast med.

Valg føregår skriftleg om det vert sett fram forslag om dette. Berre føreslegne kandidatar kan først opp på røystesetelen. Røystesetlar som er blanke, eller som inneheld ikkje føreslegne kandidatar, skal forkastast.

Likt røystetal mellom to kandidatar skal avgjerast ved omval dersom det er røysta på fleire enn desse to kandidatane. Likt røystetal når det berre er røysta på to kandidatar skal avgjerast ved loddtrekning.

### **§ 10 Årsmøtet sine oppgåver**

Årsmøtet skal:

1. Handsama Grendahuset Ljosheim si årsmelding
2. Handsama Grendahuset Ljosheim sin årsrekneskap i revidert stand
3. Handsama innkomne forslag
4. Vedta Grendahuset Ljosheim sitt budsjett, herunder satsar for leige av huset
5. Velja:
  - a) Leiar
  - b) Styremedlemar
  - c) Revisorar (2)
  - d) Valnemnd (2-3 personar)

### **§ 11 Omframe årsmøter**

Omframe årsmøter skal haldast når styret bestemmer det, eller minst ein tredjedel av dei røysteføre medlemmane krev det.

Det skal innkallast på samme måte som for ordinære årsmøter, med minst 1 månads varsel. Omfram årsmøte kan berre behandla og ta avgjerd i dei sakene som er kunngjort i innkallinga.

### **§ 12 Styret**

Foreininga vert leia av eit styre på 4-5 medlemmar. Styret er høgste mynde mellom årsmøta. Styreleiar skal velgjast av årsmøtet kvart år. Styremedlemar er på val for to år. Styret konstituerer seg sjølv.

Styret skal:

1. Sjå til at dei vedtaka som vert gjort på årsmøta vert sett ut i livet.
2. Oppnevna komitear/utval/personar for spesielle oppgåver og utarbeida instruks for desse.
3. Administrera og føre naudsynt kontroll med Grendahuset Ljosheim sin økonomi.
4. Representera Grendahuset Ljosheim utad.

Styret skal halda møte når leiaren krev det eller eit fleirtal av styremedlemmane krev det.

Styret er vedtaksført når eit fleirtal av styret sine medlemmar er til stades. Vedtak vert gjort med fleirtal av røystene. Ved likt stemmetal tel styreleiaren si røyst dobbelt.

### **§ 13 Vedtektsendring**

Vedtektsendring kan gjerast på årsmøtet av dei som etter §5 har røysterett på årsmøtet. Forslag om vedtektsendring skal førast på saklista og kunngjerast minst 2 veker før årsmøtet. Vedtektsendring kan gjerast med vanleg fleirtal.

### **§ 14 Oppløysing**

Denne bestemmelsen kan ikkje endrast.

Oppløysning av Grendahuset Ljosheim kan berre behandlast på ordinært årsmøte. Vert oppløysing vedteke med minst 2/3 fleirtal, skal det kallast inn til omfram årsmøte 3 månader seinare.

|                   |                    |                |                 |
|-------------------|--------------------|----------------|-----------------|
| Rune Nesheim      | Sveinung T. Bergo  | Liv Anne Bergo | Hege M. Lavik   |
| Evelyn Gullbrå    | Sigrid Tyssen      | Astrid Lavik   | Jomar Flatekval |
| Odd Inge Brønstad | Aud Marit B. Bergo | Anna S. Bergo  | Britt Eide      |